



Perry Township Schools

LEA (Local Educational Agency) District Parent and Family Engagement Policy October 2018

Fale nun ning le fimcawnnak ah nulepa hi a bia cemmi an si ti hi Perry Township Sianginn nih a zumhmi a si. Cucaah Title I sianginn poah nih fale cacawnnak kong ah nulepa an i tel khawhnak ding parokrem timhtuahnak ding phaisa chiahmi an ngei. Hi kong ah cozah nih a hmanmi Student Succeeds Act of 2015 phung he ai tlaak ningin nulepa nih zulh dingmi kawhhmuh (parental policy guidelines) hi Perry Township zong nih zulh a timhmi a si.

Title I office hi fale cacawnnak kong ah nulepa an i tel khawhnak ding le siangngakchia nih thanchonak le hlawhtlinnak an ngeih khawhnak ding siangin nih timhtuahnak a ngeihmi a tlamtlinnak ding a bawmtu ding an si. Kum khat ah voi khat tuahmi sianginn tinhmi (school plan) zoh thannak (annual revisions) ah hin nulepa hi i tel ding. Nulepa nih fale cacawnnak ding caan rem le hmun rem tuahpiak ding. Nulepa le sianginn hi hmun khat i tãnti tikah siangngakchia herhmi hi tlamtling khun in tuahpiak khawh an si. Perry Township Schools nih nulepa le chungkhar nih a herhmi le duhmi hi tuahpiak ding ai timhmi a si. Cucaah, LEA Parental and Family Engagement Policy kong tuaktannak ding le sianginn thanchonak kong zohthannak ding ah nulepa nih telpi dingin sawm le forh a si.

Atang i langhtermi thil pawl hi fale cacawnnak kong ah nulepa le chungkhar he hmun khat i tãnti khawhnak ding ah Title I Sianginn nih a tawrel dingmi a si:

1. Title I sianginn i a kaimi siangngakchia nulepa hna bawmh ding. Nulepa le chungkhar nih State's academic content standards le student academic achievement standards kong an lungfian khawhnak ding tuahpiak ding. Fale sianginn kai ning le cawn ning zeidah a lawh ti ngiatpi le zeitin dah an thancho khawh deuh lai ti kong cachimtu sayate he ceih tinak ngei dingin tuahpiak ding.
2. Nulepa nih fale cacawngmi hlawhtlinnak ding tuahpiak kho dingin a herhmi thilri le cawnpiaknak (training) tuahpiak ding.
3. Nulepa le chungkhar parokrem ser i tuah ding. Nulepa he pehtlaihnaak tha ser ding.
4. Nulepa i tel kho dih dingin parent program serpiak i atang thil pawl hi tuahpiak ding:
 - holhlettu ngeih ding
 - ei le din tuahpiak ding
 - parokrem tuahmi a kai kho lomi nulepa caah a herhmi (information) chiahpiak ding.
5. Head Start le Title III holh lei cawnpiaknak parokrems hi i bawm in tuah i tlamtlinter ding.
6. Nulepa nih an zoh khawhnak ding (Resource Center) ah a herhmi (information) pawl chiah ding le nulepa sin i cakuat tikah, a si khawh chung in, nulepa nih an theih khawhmi ca le holh in kuat ding.
7. Pehtlaihnaak tha ngeih khawhnak ding kong nulepa le cachimtu sayate hi cawnpiaknak hna ding.
8. Pawlisi (policy) tuahmi hi kum khat voi khat in zoh than i a herh ningin remh ding.
9. Sianginn le chungkhar kar pehtlainak hlawhtlingmi um kho dingin timhtuahnak ngeihpi ding.
10. Kum khat ah voi khat (annual) in, kum tinte, thaal chuah lai (spring) ah, parokrem hi a thathnem le thathnem lo hlathlainak le cuaithlainak (evaluation) sianginn dihlak ah tuahpi ding.